

明季史料集珍
第一輯

吏部考功司題稿
(中)

明·吏部考功司

偉文圖書公司印行

明·吏部考功司撰

吏部考功司題稿
(中)

偉文圖書出版社有限公司印行

題巡檢趙梅等致仕疏

爲願告致仕事考功清吏司案呈奉本部送該通
政使司連狀送據趙梅等各告乞致仕趙梅李
松郭登俱由吏員劉士美由知印王彩由陰陽
生蓋京許勝許天敘俱由良家子弟趙梅嘉靖
二十年十二月二十五日除授山東登州府蓬
萊縣楊家店巡檢司巡檢李松嘉靖十九年八
月二十五日除授虎賁左衛倉副使俱未任郭
登嘉靖十六年十月二十三日除授順天府通
州武清縣楊村巡檢司巡檢劉士美嘉靖十七

年八月二十九日除授南京工部軍器局大使
各三年考滿給由到部王彩嘉靖十五年五月初七
日除授山東青州府昌樂縣陰陽學訓術繆印嘉靖
二十一年六月二十八日除授直隸揚州府泰州醫學典
科蓋京正德十二年許勝嘉靖二十年許天敘嘉靖
十一年各奉工部題

隹事例各納銀五十兩蓋京爲餘剩割付接濟工程事例許勝
爲缺大工銀兩俯從區處以隆 聖治事例各納候

德府典膳許天敘爲營建 宮殿事例納候 晉府典

膳各告年老有疾不能任事等因到部送司行准文

選清吏司付稱趙梅李松繆印自選之後並無赴科畫
字未曾給領文憑郭登劉士美各三年考滿給由到
部又准戶部山東清吏司手本回稱王彩該山東布政
司咨差押解嘉靖二十年各項錢糧完足各回付前來
蓋京許勝許天敘其各原納銀兩執照查繳外雖稱
納銀止是與典膳名目待後有缺方行起送赴部照缺
選用今未經銓選原無職事難擬致仕但各告稱有疾
不便赴選應行酌處查得先該候缺典膳等官靳
世英等節告前因已經本部題奉

欽依與以冠帶榮身去訖又查得本部見行事例凡自願告

退官員不分年歲俱准致仕今該前因通查案呈
到部爲照巡檢等官趙梅等各告年老有疾不能
任事乞要放回致仕各一節既查有前例又經查勘明
白相應准理合候

命下之日本部照例將巡檢等官趙梅等各給與執照令其
回籍致仕員缺另行銓補典膳蓋京等仍行彼處官
司查其候缺之日有無爲事問革等項申結前來如
果無礙行令不必赴選與以官帶榮身免其雜泛差役
仍禁有司毋得違例差委緣係願告致仕事理未敢

擅便開坐謹題請

旨

計開

趙梅年三十七歲直隸河間府景州人由吏員任山

東登州府蓬萊縣楊家店巡檢司巡檢

李松年四十四歲直隸真定府定州曲陽縣人由吏

員任虎賁左衛倉副使

郭登年五十歲河南衛輝府新鄉縣人由吏員任順

天府通州武清縣楊村巡檢司巡檢

劉士美年二十五歲山東東昌府高唐州恩縣人由知

印任南京工部軍器局大使

王彩年三十二歲山東青州府昌樂縣人由陰陽生

任本縣陰陽學訓術

繆印年二十九歲直隸揚州府泰州人由醫生任本州

醫學典科

蓋京年六十歲直隸真定府冀州新河縣人由良家

子弟候 德府典膳

許勝年五十歲直隸真定府曲陽縣人由良家子

弟候 德府典膳

許天敘年三十五歲直隸真定府曲陽縣人由良家

子弟候

晉府典膳

嘉靖二十一年八月初五日具題初七日奉

聖旨是

覆題雲南布政司右叅政朱方致仕疏

爲患病不能供職懇乞休致事考功清吏司案呈
奉本部送吏科抄出巡撫雲南等處地方都察院
右僉都御史劉渠題據雲南等處承宣布政使司呈
奉臣等批據本司右叅政朱方呈稱照得本職見年
六十七歲浙江金華府永康縣人由進士正德十年十
月內除授河南南陽府泌陽縣知縣正德十一年九月
內調直隸鎮江府丹陽縣知縣正德十五年
父憂本年三月內接丁繼母憂嘉靖元年六月內服滿
起送到部復除直隸河間府滄州南皮縣知縣嘉靖貳

年肆月內陞直隸淮安府同知嘉靖伍年伍月內陞南
京刑部福建清吏司員外郎本年八月內陞本部河南
清吏司署郎中事員外郎嘉靖八年五月內三年考
滿實授本司郎中嘉靖十年六月內陞湖廣寶慶府
知府嘉靖十四年八月內陞雲南按察司副使嘉靖十
八年十一月初九日陞授前職除到任管事外職素稟
孱弱早嬰疾涉歷諸方火病時作前此年力尚強
雖病猶可支撐自陞任以來感觸嵐瘴血氣耗亂前病
漸劇卽今脾胃虛弱飲食減少形神氣體日就虧瘠
瘠雖心欲策努圖報而力實疲病不前况年逾拾有

朱亦應休致伏乞俯察鄙誠轉 奏容令致仕以延殘喘
實為便益等因俱批布政司查議通詳奉此議照右叅
政朱方年勞頗久進用未已今因疾求退情詞懇切雖長
途致遠之才未可遽弃而急流勇退之節似難挽留合
無俯從所請以勵恬退仍乞代為轉 奏容令本官致仕
等因備由議呈到臣據此案照先據叅政朱方具呈前事
已經批行該司查議去後今據前因臣會同巡按雲南監
察御史包節議照雲南布政司右叅政朱方清謹素著
年資亦深况具精力未衰尚堪任使但本官稱病乞休情
委真切如蒙乞 勅吏部查議合無將叅政朱方量進

一階行令回籍致仕庶以勵恬退之節矣等因奉

聖旨吏部知道欽此又奉本部送吏科抄出巡按雲南監察御史包節題同前事奉

聖旨吏部知道欽此欽遵通抄送司查得本部見行事例凡自願告退官員不分年歲俱准致仕今該前因案呈到部看得巡撫雲南右僉都御史劉渠巡按雲南監察御史包節會題議照雲南布政司右叅政朱方清謹素著年資亦深況且精力未衰尚堪任使但本官稱病乞休情委真切欲要量進一階行令回籍致仕一節合候

命下行令雲南布政使司右叅政朱方清致仕員缺另行陞

補緣係患病不能供職懇乞休致及節奉

聖旨吏部知道事理未敢擅便謹題請

旨

嘉靖貳拾壹年捌月拾貳日具題拾肆日奉

聖旨是

覆福建等道御史金燦等劾巡撫等官疏

吏部等衙門少保兼太子太保尚書等官臣許 等謹

題爲遵 明旨仰 聖情集議請 裁巡撫諸臣

即易本兵之選大整邊備急救時艱攘外安內

必求治平事考功清吏司案呈奉本部送吏科

抄出福建等道掌道事山西道監察御史金燦等

題稱頻年以來蠢茲醜虜敢以輕犯大邊漸肆

深入山西等處地方傷殘殺虜蹂踐一空流血

成川伏屍千里慘毒生靈之狀言之痛心事勢

將來之危有不忍道上干